

Skeiða- og Gnúpverjahreppur	
Bnr. 0.0	K/S 20.4.18
Ábm.	Svfr.
Afgr.	()Bréf ()St.
Lvm.	Trm.



Minjastofnun
Íslands

The Cultural
Heritage Agency
of Iceland

Suðurgata 39
101 Reykjavík

(354) 570 13 00

postur@minjastofnun.is
www.minjastofnun.is

Kennitala: 440113-0280

Skeiða- og Gnúpverjahreppur
Kristófer Tómasson
Árnes
801 Selfoss

Reykjavík, 18. apríl 2018
Tilvísun: 201804-0080

Efni: Styrkúthlutun úr fornminjasjóði 2018

Minjastofnun Íslands þakkar umsókn um styrk úr fornminjasjóði vegna verkefnisins: *Þjórsárdalur. Skráning fornminja úr lofti.*

Ákveðið hefur verið að veita styrk til verkefnisins að upphæð kr. 1.540.000. Styrkurinn er veittur til fornleifaskráningar.

Meðfylgjandi er samningur vegna styrksins sem styrkþegi er beðinn um að undirrita og senda Minjastofnun Íslands. Jafnframt þarf að setja í samninginn upplýsingar um þann bankareikning sem óskað er eftir að styrkur verði millifærður á. Bankareikningur þarf að vera á kennitölu styrkþega, þeirri sömu og fram kemur í samningnum. Afrit af samningi, undirrituðum af Minjastofnun Íslands, mun verða sent styrkþega.

Minjastofnun óskar þér og öðrum sem að verkefninu standa til hamingju með styrkinn og góðs gengis með verkefnið.

F.h. Minjastofnunar Íslands

Kristín Huld Sigurðardóttir
forstöðumaður



Minjastofnun
Íslands

Samningur um styrk úr fornminjasjóði

Minjastofnun Íslands, kt. 440113-0280 hér eftir nefnd styrkveitandi, og Skeiða- og Gnúpverjahreppur, kt. 5406024410, hér eftir nefnd/ur styrkþegi gera með sér eftirfarandi samning um styrkveitingu úr fornminjasjóði.

1. gr. Markmið

Skv. 42. gr. laga nr. 80/2012 er markmið og hlutverk fornminjasjóðs að stuðla að varðveislu og rannsóknnum á fornminjum. Sjóðurinn veitir styrki til rannsókna á fornminjum, þar á meðal til fornleifaskráningar, miðlunar upplýsinga um þær og til varðveislu og viðhalds á fornminjum. Sjóðnum er einnig heimilt að veita styrki til viðhalds annarra menningarminja sem hafa menningarsögulegt, vísindalegt eða listrænt gildi, t.d. minja sem njóta ekki friðunar á grundvelli aldurs en teljast hafa varðveislugildi, svo sem skipa, báta og annarra samgöngutækja.

Um úthlutun og greiðslufyrirkomulag styrks gilda skilmálar samnings þessa sem styrkþegi hefur kynnt sér og skuldbindur sig að hlíta.

Umsókn styrkþega og fylgiskjöl, sem uppfylla auglýst skilyrði fyrir styrkveitingu, og reglur um úthlutanir styrkja úr fornminjasjóði nr. 578/2014 teljast hluti af samningi þessum.

2. gr. Fjárhæð styrks

Styrkveitandi hefur ákveðið, sbr. 2. gr. reglna nr. 578/2014, að veita styrkþega styrk úr fornminjasjóði. Styrkurinn er veittur til verkefnisins: **Þjórsárdalur. Skráning fornminja úr lofti.**, sbr. umsókn styrkþega númer 201804-0080.

Fjárhæð styrksins nemur kr. 1.540.000 og greiðist inn á reikning á kennitölu styrkþega númer 540602-4410 0152-26 - 8990, eftir því sem nánar greinir í samningi þessum.

3. gr. Framkvæmd

Styrkurinn er veittur til fornleifaskráningar, sbr. umsókn nr. 201804-0080.

Styrkþega er óheimilt að framselja styrkinn eða ráðstafa til annarra aðila eða til annarra verkefna en getið er um í umsókn án skriflegs samþykkis Minjastofnunar Íslands.

Styrkþegi skal tilkynna styrkveitanda án tafar ef breytingar verða á högum styrkþega sem geta haft áhrif á framkvæmd verkefnisins. Við breytingar sem skerða möguleika styrkþega á að vinna verkið getur réttur styrkþega til styrkveitingar fallið niður.

Styrkþegi skal vinna verkið í samræmi við lýsingu og fylgigögn með umsókn styrkbeiðanda og/eða vinnuáætlun sem samþykkt er af styrkveitanda. Styrkþegi skal leita fyrirfram samþykkis styrkveitanda fyrir frávikum. Styrkur greiðist aðeins út ef gæði vinnu eru í samræmi við kröfur

styrkveitanda. Allur frágangur við verkefnið verður að vera til fyrirmyndar og í samræmi við lög, reglugerðir og samþykkt viðmið.

Ef um skráningarverkefni er að ræða ber að fylgja stöðlum Minjastofnunar um skráningu fornleifa sem finna má á heimasíðu Minjastofnunar, www.minjastofnun.is, undir *Minjar, skráning fornleifa*. Gögnum skal einnig skilað tilbúnum til birtingar á vefsíðu stofnunarinnar.

4. gr.

Greiðsla styrks og greiðslufyrirkomulag

Styrkurinn sem samningur þessi hljóðar um er til verkefna á árinu 2018.

Styrkurinn greiðist út í tvennu lagi með eftirfarandi hætti:

- 1) Sjötíu prósent styrkfjárhæðar greiðast við undirritun samnings þessa.
- 2) Þrjátíu prósent styrkfjárhæðar greiðast við lok verks, þegar fullnægjandi lokaskýrsla, að mati styrkveitanda, hefur borist styrkveitanda.

Styrkþega ber að skila inn greinargerð um framvindu eigi síðar en 1. september 2018 eða strax að lokinni vettvangsrannsókn ef um fornleifauppgroft er að ræða.

Styrkþega ber að skila inn lokaskýrslu um verkefnið, eða lokaskýrslu um þann áfanga verkefnisins sem veittur var styrkur til, ásamt ljósmyndum af því sem framkvæmt hefur verið, ef við á, eigi síðar en 31. desember 2018, eða eftir nánara samkomulagi við styrkveitanda.

Hafi greinargerð um framvindu eða lokaskýrsla ekki borist fyrir tilsetta tíma, sbr. framangreint, án fullnægjandi skýringa að mati styrkveitanda, er styrkveitanda heimilt að stöðva greiðslur til styrkþega. Jafnframt er styrkveitanda heimilt að krefjast fullrar endurgreiðslu á því sem þegar hefur verið greitt.

Styrkþegi getur sótt um lengra greiðslutímabil en greinir í 4. gr. þessa samnings. Heimilt er, við sérstakar aðstæður, að veita frest til greiðslu styrks til næsta árs eftir úthlutun, sbr. 2. gr. reglna nr. 578/2014, hafi styrkveitanda borist um það formleg beiðni frá styrkþega. Beiðni þess efnis, með góðum rökstuðningi, skal berast styrkveitanda eigi síðar en 31. desember 2018.

5. gr.

Eftirlit

Styrkveitandi hefur eftirlit með að framkvæmdir við styrkt verkefni séu viðunandi af hendi leystar og í samræmi við innsendar umsóknir og fylgigögn styrkbeiðanda. Styrkveitandi (eða fulltrúi hans) skal í því skyni eiga greiðan aðgang að vinnustað framkvæmda á verktímanum og er heimilt að óska eftir hvers kyns gögnum og upplýsingum frá styrkþega sem þykja nauðsynleg vegna eftirlitsins.

6 .gr.

Ábyrgð styrkhafa

Styrkþegi ábyrgist með undirritun samnings þessa að aflað hafi verið allra lögbundinna leyfa og samþykktu sem nauðsynleg eru vegna verkefnisins, hvort sem er frá stjórnvöldum eða einkaaðilum. Komi í ljós á framkvæmdatíma að skortir á nauðsynlegt leyfi og/eða samþykkt fyrir verki eða hluta þess, er á ábyrgð styrkþega að bæta úr því tafarlaust.

Vakin er athygli á því að vilyrði fyrir styrk úr fornminjasjóði veitir ekki sjálfkrafa leyfi til fornleifarannsókna. Sækja þarf sérstaklega um slík leyfi hjá Minjastofnun Íslands.

7. gr.
Vanefndir

Brjótí styrkþegi gegn ákvæðum samnings þessa og/eða öðrum skilmálum um úthlutun styrkja úr fornminjasjóði, sbr. reglur nr. 578/2014, er styrkveitanda heimilt að stöðva greiðslur til styrkþega samkvæmt samningi þessum. Jafnframt er styrkveitanda heimilt að krefja styrkþega um fulla endurgreiðslu á því sem þegar hefur verið greitt.

Brot á samningnum eða öðrum skilmálum styrkveitingar getur haft áhrif á möguleika styrkþega til frekari styrkveitinga úr fornminjasjóði.

8. gr.
Lögsaga og undirritun

Um samning þennan gilda íslensk lög. Mál er kunna að rísa út af samningi þessum skulu rekin fyrir Héraðsdómi Reykjavíkur.

Til staðfestingar á öllu framangreindu undirrita báðir samningsaðilar samning þennan. Fulltrúi styrkþega staðfestir með undirritun sinni að hann hafi heimildir lögum samkvæmt til undirritunar fyrir hönd styrkþega.

Reykjavík, 18. apríl 2018


F.h. Minjastofnunar Íslands

F.h. styrkþega

Esther Anna Jóhannsdóttir



Nafn þess sem undirritar f.h. styrkþega



Kennitala þess sem undirritar f.h. styrkþega